

FUTBOLA

SASKIBALOIA

ESKIA

**Inter-Borussia
lehia gogorrena
UEFAko final
laurdenetan**

GENEBA

Alemania eta Italiako taldeak dira nagusi UEFA txapelketako final laurdenetan. Atzo Gineban eginiko zozketan Alemaniak hiru ordezkari izan zituen Italiak bezalaxe, Portugalak eta Austriak talde bana sartu zituzten bitartean.

Zalantzarik gabe, Inter Milan eta Borussia Dortmund taldeen arteko kanporaketa da final laurdenetako interesgarriena. Italiarrek eragozpen handiegirik gabe gainditu zuten Norwich City talde ingelesa (bi partiduak irabazi zituzten), eta sendo ageri dira txapelketa honetan. Borussia Dortmundek bere aldetik, ez zien aukerarik eman Brondbyko dani-markarrei.

Cagliari eta Juventusen arteko kanporaketa ere benetan polita iragartzen da. Bi talde italiar aurrez aurre, eta Juventus izango da finalerdietara pasatzeko faborito nagusia.

**ALEMANIAKO
ORDEZKARIAK
FABORITO**

Gainontzeko bi kanporaketetan, gauzak pixka bat argiago daude Alemaniako ordezkarien alde. Karlsruhe-her-ek Valencia eta Girondins de Bordeaux gainditu ditu azken bi kanporaketetan, joko indartsua erakutsiz, eta printzipioz Boavista baino gehiago da. Hala ere, portugaldarrak jaun eta jabe izan ziren OFI Cretaren aurka (Atletico de Madriden berreroa), eta Karlsruher-i zailtasunak sortzen saiatuko dira.

Eintracht Francfortek bere aldetik, ez luke arazo gehiegirik izan behar Austria Salzburgi irabazteko. Alemaniarrak Deportivo kanporatu zuten final zortzirenetan (bi partiduak irabazita), eta ez dirudi Austriako taldearen kontra porrot egingo dutenik.

Joaneko partidu guztiak martxoaren 2an edo 3an jokatu dira, eta itzulikoak berriz martxoaren 16an edo 17an.

UEFA (1/4)

Inter Milan - B. Dortmund
Cagliari - Juventus
E. Francfort - Austria
Karlsruher - Boavista

Barcelona-Olympiakos, partidu erabakigarria Liga Europarrean


Greziako taldea garaile izan da orain arteko bost jardunaldietan

Aito Garcia Renesek azuzentzen duen Barcelona taldeak partidu erabakigarria jokatu du gaur arratsaldean Olympiakos taldearen kontra. Greziarrak garaile izan dira orain arte jokatu diren bost jardunaldietan eta kataluniarrek lan handia egin beharko dute Paspalj eta Tarpley-ren taldeari irabazteko. Maes Pils eta Limoges-ek jokatu dute gaurko bigarren partidua.

RAMON BASALDUA / BILBO

ACB txapelketan aurreneko partidua galdu duela ahaztu beharko du Barcelonak gaur Olympiakos taldearen kontra Saint Jordi pabilioian jokatu duen partidua irabazteko. Aito Garcia Renesek zuzentzen duen taldeak hiru partidu irabazi eta bi galdu ditu orain arte Liga Europarrean. Greziako taldeak ostera ez du amore eman eta partidu guztiak irabazi ditu, Roy Tarpley, Paspalj eta Fassoulas jokalariek eginiko lanari esker.

Aito Garcia Renesek esan duenaren arabera, Olympiakos taldeko jokalariek atzeritarrak gertatzen izango da bere taldeko gizonen helburu nagusia. «Zertan esanik ez dago Tarpley eta Paspalj jokalariek erabakigarriak direla», esan zuen Barcelona taldeko entrenatzaileak. Olympiakos eta Real Madridek Madriden jokatuko partiduan, Paspalj sekulako erakustaldia egin zuen eta Roy Tarpley jaun ta jabe dugu taulapeko borrokan.



Epi (Barcelona) eta Struelens (Maes Pils) aurreko kanporaketan.

Beste alde batetik, Maes Pils taldeak Bozidar Maljkovic-ek zuzentzen duen Limoges-ek kontrajokatu du gaur. Honako hauek dira bihar Liga Europarraren barruan jokatu diren partiduak: Guilford Kings-Real Madrid, Joventut-Benfica, Bayer Leverkusen-Benetton, Panathinaikos-Pau Orthez, Clear Cantu-Buckler Bolonia eta Effes Pilsen-Zagreb-eko Cibona.

Anderson antolatzailea azaldu zen, kantxa gainean protagonista nagusia bihurtzeko. Anderson-ek arazoak ditu eskumuturrean, baina hala ere 32 puntu lortu zituen, bere karrerako markarik onena alegia.

Phoenix Sunsek uste baino arazo gehiago izan zituen Milwaukee Bucks talde ahula menperatzeko (112-104). Mike Dunleavy-ek entrenatzen dituen mutilak Central Divisioneko —NBako divisoririk kaskarre-na— azken postuan sailkatuta daude, baina agerian utzi zituen Phoenixek aurreko partiduak irabazteko.

Jardunaldiko azken partiduan, Boston Celticsek 112-107 irabazi zion Philadelphia 76'ersi; nahiko partidu berdinduan. Bostonek denboraldi serioa egiten segitzen du, eta Atlantic Divisioneko bigarren tokian ageri da New Yorken atzetik.



David Robinson.

EMAITZAK

Utah	102	Spurs	87
Nets	110	Miami	105
Boston	112	Sixers	107
Phoenix	112	Bucks	104

**Alberto Tombak
erraz irabazi
du Sestriereko
eslalona**

SESTRIERE

Alberto Tomba italiarrak irabazi zuen atzo Sestriereko eslalona, Munduko Koparako baliagarria, eta bezperan jasandako porrota zuritzea lortu zuen 'Bonbak'. Izan ere, Val d'Isereko erraldoian hamazazpigarren sailkatu zen Tomba. Etxean, ordea, eta milaka jarraitzaile italiarren aurrean, Sestriereko eslalonean 1.58.38 denbora egin eta modu onean lortu zuen garaipena, Thomas Stangassinger austriarrari 75 ehunekoren alde ateraz. Hirugarren eta laugarren Ole Christian Furuseth eta Finn Christian Jagge norvegiarrak izan ziren Sestrieren, bosgarren Bernhard Gstrein austriarra, seigarren Peter Roth alemaniarra eta zazpigarren Kjetil Andre Aamodt norvegiarra, oraindik orain Munduko Kopan sailkapen orokorreko buru dena.

Alberto Tomba bere profesional karrerako 31. garaipena lortu zuen atzo Sestrieren, eta bertan jokatu dituen zazpi probetatik bost irabazi egin ditu. Ole Christian Furuseth izan zen Sestrieren bigarren saioan ezustea eman zuena, bederatzi postu aurreratu eta hirugarren amaitu baitzuen.

Munduko Kopako sailkapen orokorrean Aamodt ageri da lehena, 357 punturekin, eta norvegiarraren ondoren Guenther Mader austriarra (342), Alberto Tomba italiarra (294) eta Thomas Stangassinger austriarra (260).

SAILKAPENAK

Sestriereko eslalona

1. Tomba	1.58.38
2. Stangassinger	1.59.13
3. Furuseth	1.59.56
4. Jagge	1.59.69
5. Gstrein	2.00.08
6. Roth	2.00.22
7. Aamodt	2.00.23
8. Kosir	2.00.62
9. Von Gruenigen	2.00.67
10. Mader	2.00.79

Munduko Kopa

1. Aamodt (NOR)	357
2. Mader (AUT)	342
3. Tomba (ITA)	294
4. Stangassinger (AUT)	260
5. Piccard (FRA)	229
6. Gstrein (AUT)	205
7. Kosir (ESL)	177
8. V.Gruenigen (SUI)	174
9. Jagge (NOR)	160
10. Barnerssoi (ALE)	145